

Լ ՈՒՄԱՅ

ԴՐԱԿԱՆ ՀԱՆԴԻՍԻ

1901 թ.

Ա. ԴՐՔԻ

ՅԱՆԵԼՈՆԱԺ

Ա.

ԿԱՆՈՆՔ Ս. ԺՈՂՈՎՈՑ

ԳՈՐԾ ԱՐԻՍՏԱՆԿԻՍ ԱՐՔԵՊԻՍ. ԴԱԽԵԱՆԻ

32—48 էր. (շարունակելի)

Բ.

ԿՈՅՐ ԵՐԱԺԻԾՏԸ

ՎԼ. ԿԱՐԱԼԵՆԿՈՒ

ԹԱՐԳՄ. ՄՈՒՀԷ ՎԱՐԴԱՊԵՏԻ

113—206 էր. (վերջ)

լա ռմժդ Սովորեցին ոմանք զկիւրակէ օրն՝ մինչև ցնաչև պատուել, և անտի յառաջ լուծանել զաւուրն խորհուրդ: Յաղագս նորին հրամայեցաք՝ մինչ ց'երեկոյն նովին պատուել պատուել զօրն, արգելուլ զինքեանս ի գործոց և ի ճանապարհորդութենէ, և յերեկոյին ծունը ոչ կրկնել:

կարն.
ժող.

ա ռմ: Վասն մեծի յայտնութեանն՝ զոր կարգեցին առաքեալք ի Հոգւոյն սրբոյ՝ ի յունուարի Զ. կատարել մեծաւ առաւելութեամբ ի փառս Աստուծոյ: Արդ՝ եթէ ոք ի պատրիարքաց կամ ի մայրաքաղաքաց եպիսկոպոսաց, կամ յերիցանց, կամ ի սարկաւազաց՝ այլազգ խորհիցի, և արտաքոյ առաքելական կանոնաց, զոր ոմանք ի դեկտեմբերի Խ'ի, զծնունդն առնեն, մոլորեալք յաղանդն Արտեմոնի: Արդ՝ եթէ ոք ըստ այսմ մտաց խորհիցի և մոլորիցի յուղիղ կարգաց, ի կրօնից Աստուծոյ. այնպիսին անկցի ի կարգէն, և յաստիճանէն մերժեսցի, եթէ պատրիարգ իցէ և եթէ եպիսկոպոս.— զի մի՛ արմատ դառնութեան ի վեր երևեալ և նովաւ բազումք պղծիցին: Զոր և ոմն ի մերոց եղբարց յասիացւոց աշխարհին տօնեաց ընդ ասորիս, հետևող եղեալ Արտեմոնի, տարազրեցաւ յեկեղեցւոյ և արտաքս անկաւ իբրև զուռն ըստ Տեառն ըանին: Արդ՝ եթէ եպիսկոպոս, կամ երեց կամ սարկաւազ, կամ ընաւ իսկ ի քահանայական կարգէ՝ հետևող լիցի այնմ աղանդի, այնպիսին նզովեալ եղիցի յԱստուծոյ և ի սուրբ ժողովոյս:

բ ռմհա Վասն սուրբ Ծովման ձիթոյն, զոր կարգեցին առաքեալք յաւուր յայտնութեանն՝ սաղմոսիւք և օրհնութեամբ և երգօք հոգևորօք և մոմեղինօք ջահիւք բորբոքելովք, ընդ արևազայն ի ջուրն երթան, և ի նմին աւուր օրինակաւ յօրդանանու, զոր Տէրն կատարեաց՝ ի փրկութիւն ամենայն հաւատացելոց՝ մկրտութեամբ իւրով, և ջախեաց զգլուխ վիշապին ի վերայ ջուրցն, և ետ օրինակ ամենեցան՝ նոյն մկրտութեամբ ծնանիլ ի ջրոյ և ի հոգւոյ և ջախել զգլուխ վիշապին ի ջուրն, և կոխան լինել գարշապարի մերում՝ առաք հրաման ի Տեառնէ: Արդ՝ եթէ եպիսկոպոս, կամ քահանայ, կամ սարկաւազ, ծուլասցի և ոչ երթիցէ ի ջուրն, օրինակաւ յօրդանանու՝ ցնծալից բերկրանօք, և ոչ օրհնեսցէ զջուրն, և ոչ արկցէ յօծման յիւղոյն ի ջուր, և կամ չքաւորութեամբ, կամ ծուլութեամբ, այնպիսին դատապարտեսցի յԱստուծոյ, և արտաքոյ մերոյս եկե-

դեցեալ ելցէ, և թէ՛ ժողովրդական է, որոշեսցի:

զ ԼԱՐԹ Եւ պարտէ աւետարան կարգալ ի Մատթէոսէ, սկիզբն առեալ յառաջմէն. «Գիրք ծննդեան յիսուսի քրիստոսի և միապէս զամենայն խորհուրդսն կատարել զծննդեան և զմկրտութեան, մինչև յայն տեղի, թէ հրեշտակք մատնան և պաշտէին զնա», և ապա զնշան խաչին ի ջուրն իջուցանեն, և ամենայն բազմութիւն ժողովրդեանն առցէ յօրհնութեան ջրոյն՝ ըստ իւրաքանչիւր կարգի, ի բժշկութիւն մարդկանց և անասնոց, ողջամիտ հաւատով և ուղիղ մտօք, և նկատել և տեսանել ի ջուրն՝ զայն՝ որ էջն ի յորդանան մարմնաւոր տեսեամբ և աղանակերպ երևամբ, և ի վերուստ վկայելով՝ «Դա է որդի իմ սիրելի»:

դ ԼԱՐԳ Եթէ եպիսկոպոս, կամ երեց, կամ սարկաւազ կամ բնաւ իսկ ի քահանայական կարգէ փոխեսցէ զգիրս ընթերցուածոցն, զաւետարանացն զհրապուցին, զոր սրբոյն Յակոբայ Տեառնեղբօր եղեալ է, յաղագս կնոջն փրկութեան ի Հոգւոյն սրբոյ:— Այլ արդ՝ ասեմք, եթէ ոք այլազգաբար խորհիցի ըստ Արտեմոնի և ըստ Յոննաղի դրութեանն, և փոխեսցէ զսահմանս առաքելականս, և ոչ ընթերցի զաւետարանն ըստ Ղուկայ, եւ հովիւքն էին, ըստ կնոջն փրկութեան, և յետոյ ի Մատթէոսէ ըստ մարմնաւորութեան, և նախնիս ունել զՌաւիթ և զԱբրահամ, և եթէ այլազգ ինչ խորհիցի, և մտացածին բանիւք վտարանդի առնէ զմարդիկք, այնպիսին նզովեալ եղիցի յԱստուծոյ և ի սուրբ ժողովոյն, եթէ քահանայէ լուծցի, եթէ ժողովրդական որոշեսցի, և եթէ ոչ ընթերցցի զընթերցուածոցն գիրս, զոր եղեալ է առաջինն վասն ապաշխարութեան, և յետոյ զնսայեայ մարգարէի ընթերցուածն, զոր համառօտ եղեալ է վասն տնօրէնութեանն Տեառն, և յետ ամենեցուն ի Ռանիէլէ, և գերգս երից մանկանցն, և զսատանայ ի հուր, և որ այլազգ խորհիցին, այնպիսիք նզովեալ եղիցին յաստուծոյ և ի մէնջ և ի սուրբ ժողովոյն:

ե ԼԱՐԴ Վասն ութօրեայ աւուրցն ընթերցուածոց և աւետարանացն, թէ պարտ է զամենայն աւուրս ընթեռնուլ ընթերցուած յառաքելական մատենից Պողոսի, և ոչ ընթեռնուլ մարգարէ. վասնզի ամենայն քարոզութիւն մարգարէից կատարեցաւ յերկոյնին հրազարուցի, և միաւորեցան հարսն և փեսայն յա-

ռազաստին. զի այսպէս կանոնեցին առաքեալք Տեառն մերոյ Յիսուսի Քրիստոսի. և սուրբն Յակոբոս կարգեաց զընթերցուածն, և յօրինեաց յերկրորդումն առուր ի մատրան սրբոյն Սահփաննոսի ժողովելոյ և անդ կատարելով զօրէն կոծոյն, և ապա ի Պողոսի առաքելական մատենէն. և աւետարան ի Յովհաննէ. և յերրորդում առուր կիւրակէի ժողովէին ի սուրբ մատրանն, որ է կաթուղիկէ և բարձրագահ քան զամենայն եկեղեցիս. և ընթեռնուլ ընթերցուած յառաքելական մատենէն, և աւետարան ի Մատթէոսէ, իբրև նոքա զնացին» և այսպէս զամենայն առուրսն կատարել զընթեամբ սրբոյն Յակոբայ ի փառս Աստուծոյ և մի հետևիլ զընթեանց Յոբանդի և Արտեմոնի և նոյին խորհողացն, Ապա եթէ ոք գտցի օտար քարոզութեան հաւանեալ և արարեալ, եթէ քահանայ է լուծցի, եթէ ժողովրդական որոշեսցի, և եթէ եպիսկոպոս, արտաքոյ աշխարհաց ելցէ՝ թագաւորական հրամանաւ յաքսորս բնակեսցէ մինչև ցօր մահուան իւրոյ:

Վասն օրինաւոր տօնի քառասներորդաց Տեառն մերոյ Յիսուսի Քրիստոսի, զոր ի փետրուարի ժԳ, հրամայեցաւ կատարել ի փառս Աստուծոյ, և մի տօնել ընդ հերձուածոցս, որք զընթեամբ Արտեմոնի մոլորեցան յուղիղ ճանապարհէն, և զգիրս և զընթերցուածս փոխեցին. կամ եղև մեծ և աստուածասէր ժողովոյս, զի ժողովեալ ամենայն հաւատացելոց բերկրանօք սրտի և ցնծալից ուրախութեամբ, հսկամբ յերեկորեայ տօնեսցեն ի փառս Աստուծոյ, յորում առուր և հանդիպեսցի, հոգևորական օրհնութեամբ, ջահիւք բորբոքելովք, օրհնել զայն՝ որ ըստ մարմնոյ մարդացաւ, և կրեաց զամենայն կիրս մարդկային բնութեանս. Մինչև յերրորդ ժամն՝ եղիցին ի հսկման ամենայն զգուշութեամբ, և յերրորդ ժամուն պատարագ մատչի ի փրկութիւն ամենայն հաւատացելոց, որ զսրբութեամբ վայելողսն աստուածատեսակս գործէ, յորում առուր՝ զգիշերն որպէս զտիւ լուսաւորէ՝ յայնմ առուր նկատել և ախնունել, և մի արհամարհանօք և ծուլութեամբ: Ապա թէ ի պահս սուրբ Ջատիկ աղուհացիցն, քառասներորդացն հանդիպիցի, յորում առուր հանդիպի, ի նմին առուր տօնեսցի, սաղմոսիւք և օրհնութեամբ, և երգօք հոգևորօք, և մի փոխեսցեն զօրն՝ ծուլութեան պատճառաւ՝ արհամարհանօք, և պատարագ մատչիցի ի փառս

Աստուծոյ, և ի կատարումն խորհրդոյն. և ի փա-
փուկ կերակուրս ամենեկին մի մերձենալ, մի ի
ձէթ, մի ի դինի և մի ի ձուկն, բայց միայն ի հաց
և ի յաղ. և թէ ոք ըստ սովորական սրբոյ բաժա-
կին, յայլ ինչ ազահիցի ի պատարագին, անընկալ
լիցի տօնն, և պահքն անվաւեր եղիցի, ըստ մեծի
հինգշաբթի աւուրն պատարագին՝ եղիցի պատա-
րագն, և կերակուրն, ապա եթէ յարձակման աւուր
հանդիպիցի, գառնազէն խմբեսցին ամենայն հաւա-
տացեալք ի Քրիստոս:

է ռմիզ Բայց եթէ յուրբաթի և ի չորեքշաբթի հան-
դիպի ըստ վերագոյն պատուիրանիդ՝ պահօք տօ-
նեսցեն, և մի լուծամաճ կերակրոց կամ ըմպելեաց:
Նւ եթէ ոք ի հաւատացելոց անցցէ ըստ կանոնեալ
սահմանադրութիւնդ, անիծեալ լիցի, վասն զի այս-
պէս պատուիրեցաւ ընդ ամենայն աշխարհ ի սըր-
բոց առաքելոցն, և աւանդեցաւ մեզ: Նւ մեք այնմ
հետեւեալ եմք. զոր նոքայն քարոզեցին և հաստա-
տեցին. թէ պէտեւ զատեալք և մեկնեալք: Ի փշա-
բեր անապատ զնացին ոմանք, և եղին լուցկիք
հրոյն և կերակուրք որդանց, այլ մեզ քաւ լիցի խո-
տորի ի քարոզութենէն սրբոց. ապա եթէ գտցի
ոք զայս արարեալ, օտար եղիցի ի մէնջ և ի սըր-
բոց օրհնութենէն հեռի:

Յովհ. Նւ որ ծնունդ առնեն յառաջ քան զյայտնու-
Ծանդ. թիւնն, չէ արժան, զի սուտ է. զի ծնունդն և
ը ոյիդ յայտնութիւնն մի են, և յայտ յընթերցուածոցն է,
որ ասէ, «Յիսուսի Քրիստոսի ծնունդն էր այսպէս»:

Յովհ. Իսկ որ զուրբաթ՝ որպէս կիւրակէ պահեն և
Ծանդ. ի գործոց զադարեցուցանին՝ մեղք են, և կոչեն
ը ոյիդ զնա ծեր, մյր է տեսեալ զնորա ծերութիւն, զի
հինգ օրն աւագ են քան զնա, իսկ որք ի չորեք-
շաբթի տօնս կատարեն տգիտաբար, մեղք են, զի
հեթանոսական է և անհրաման:

Նիկ. Բ. Նթէ ոք ի կիւրակէի պահս պահէ, նզովեալ
կթ մի եղիցի:

Ժող. Նրկրորդ, տօնել զտօն՝ աւետեաց ս. Աստուա-
Ստոյ ծածնի ի վեցն ապրել ամսոյ, յորում աւուր և հան-
ը զիպի, և զտօն փոխման նորին ի ԺՅ օգոստոսի, և
յորում աւուր հանդիպի, և զտօն սրբոյ խաչին ի
ԺԴ. սեպտեմբերի՝ յորում աւուր և հանդիպի, նոյն-
պէս և զայլ տօնս վկայից՝ յորում աւուր հանդիպի՝
ըստ իւրաքանչիւր յիշատակի:

Դ Դ Երբորդ տօնել զհրազարտյց ծննդեան՝ սրբոյ
յայտնութեանն, և զՋատկին, մինչև ցերեկոյն պա-
հօք, և ոչ այլ իւրիք լուծանել, բայց միայն թէ՛ ձը-
կամբ և ձիթով:

Զ.

ՅԱՂԱԳՍ ԵԿԵՂԵՑԱԿԱՆ ԳՐՈՑ ԵՒ ԸՆԹԵՐՑՈՒԱԾՈՑ:

Առաջ. Կարգեցին առաքեալք և եղին հաստատու-
թ թ թեամբ՝ թէ՛ 'ի կատարումն ամենայն գրոց ընթերց-
ցի աւետարան, իբրև զկնիք պատուական՝ ամենայն
գրոց, և յորն կալով ամենայն ժողովուրդն լուիցէ
նմա, զի աւետիք փրկութեան են ամենայն մարդկան՝
բանիւ կենարարին:

Իթ Իթ Կարգեցին առաքեալք և եղին հաստատու-
թեամբ, թէ՛ 'ի պաշտաման եկեղեցւոյ՝ ասացեն ըզ-
սաղմոս և զօրհնութիւնս դաւթի պաշտել օր ըստ
օրէ, յամենայն ժամ զմարդարէութիւնսն դաւթի ձԾ.
սաղմոս, որպէս և ասեն իսկ. Օրհնեցից զտէր յա-
մենայն ժամ, յամենայն ժամ օրհնութիւն նորա 'ի
բերան իմ, և յօրէս տեառն խորհեցայ 'ի տուէ և 'ի
գիշերի, սաղմոս ասացից և 'ի միտ աււից, և լսելի
արարից զձայն օրհնութեան նորա. և դարձեալ
սաղմոս ասացէք աստուծոյ մերում, և թագաւորին
մերում՝ սաղմոս ասացէք:

Լ Լ Կարգեցին առաքեալք և եղին հաստատու-
թեամբ, թէ՛ յեկեղեցւոյ գիրք ընթերցցին՝ հին և նոր
կտակարանք, որ լինիցին վասն կենարար չարչարա-
նաց փրկչին մերոյ քրիստոսի, և գործք և խօսք ա-
ւետարանչացն քարոզութեան, վասն բանին մար-
դեղութեան, և վարդապետութեան աշակերտաց
փրկչին, և այլ աւելի քան զայս՝ մի՛ ընթերցցի 'ի
բեմի:

Առաջ. Եւ ձեռն
նշէմ: Եւ
ԺԹ Եթ թեմէ ոք ստութեամբ զվերոյգրեալսն ամբարշ-
տաց գիրս, իբրև զսուրբս եղիցի մուծեալ, առ 'ի վնաս
ժողովրդոց, լուծցի:

Սըբոց Լուս մտօք կալ ժողովրդականաց, և մի՛ բա-
ձաբցն զուս լինել վարդապետք, գնացէ, որով չափով չա-
հեաւ. Կեաւ. փէ, չափեսցի նմա, կամ դատիւ դատեսցի, և խնա-
իէ ճիւղ մի աշխարհականն՝ այլ ոչ կարէ խնամել.— Եւ եղի-

ցի ձեզ ամենեցուն եկեղեցականացդ սուրբ գիրք՝
հին և նոր կտակարանաց՝ Մովսիսի, ծնունդքն, ելք,
դատացիք, թիւք, երկրորդ օրէնք, Յեսու, դատա-
ւորաց, Հուսի, Թագաւորութիւնք չորք, մնացոր-
դաց աւուրք, Եզրի Բ. բանք, Յովբ. սաղմոսացն
ձԾ, Սողոմոնի Գ. մարգարէք ժԹ, Նսայի, Նրեմիա,
Եզեկիէլ, Դանիէլ, այլն, մականբայեցիք, Սիրաք, Եւ
կալիք առ 'ի խրատել զմանկունսն ձեր:

Նիկ. Բ.

Ոչ է պարտ 'ի ժողովսն զսաղմոսն 'ի միմեանս
դա մծը յարել, այլ 'ի միջին գրականագրութեան առնել:

ճա մկը

Պարտ է և 'ի շարքի աւետարան կարդալ:

ճժդ մձ

Ոչ է պարտ տգիտական կամ անկանոնական
գիրս կարդալ, կամ սաղմոսել յեկեղեցւոյ, այլ զկա-
նոնեալքն, զնոր և զհին կտակարանսն, ըստ որում
և կանոնեալքն են:

Հաւոր.

Ոչ է մարթ աւելի զմանս, արտաքս քան զկա-
թե նդ նոնեալ սաղմոսողոգան՝ 'ի բէմ հանել, և 'ի բեմի գրովք
սաղմոս ասել յեկեղեցւոյ:

ժգ նե

Ձի աւետարան հանդերձ այլովք գրովք արժան է
կարդալ 'ի շարքի օր:

ժէ նդ

Ձէ մարթ և պատշաճ, միահամուռ զմիմեանց
զհետ 'ի ժողովուրդս սաղմոս միայն ասել, այլ զհետ
միոյ սաղմոսի կատարումն առնել գրոց:

ծե նխդ

Իբրև չէ մարթ յիմաստութենէ ուրուք եզեալ
պաշտել յեկեղեցւոյ, բայց եթէ 'ի գրոց սրբոց իցէ,
կամ կանոնեալք են յեկեղեցւոյ, թէ Սաղմոսք, թէ
Օրհնութիւնք. այնպէս և գիրս ինչ չէ պարտ կար-
դալ յեկեղեցւոյ, բայց եթէ որ կանոնեալքն են, այս
ինքն. զնոր օրէնս, և զհին կտակարանս, և զոր
ինչ արժան է կարդալ, են այսոքիկ. զարարածս, զԵլս,
զդատացիս, զԹիւս, զերկրորդ օրէնս, զՅեսու, զդա-
տաւորսն, զՀուսի, զԹագաւորութիւնս Դ, զմնա-
ցորդս Բ, զԵզր Բ, զսաղմոսն Դաւթի ձԾ. զՍողոմո-
նի Գ, զԱռակս, զԵկեմիաստէսն, զԵրզնկոյն, զՅոբ,
զԵրկոտասան մարգարէսն, զՈվսէ, զԱմովս, զՄի-
քիա, զՅովէլ, զԱբդիու, զՅովնան, զՆաւոււ, զԱմ-
բակում, զՍոփոնիա, զԱնգեա, զՋաջարիա, զՄաղա-
քիա, զՆսայի, զՆրեմիա, զԵզեկիէլ, զԴանիէլ, զՄա-
կանբայեցիս: Զնոր կտակարանաց՝ չորս աւետարանս,
զՄատթէոս, զՄարկոս, զԼուկաս և զՅովհաննէս.
զործք առաքելոց՝ կաթողիկէք՝ Թուղթք Է. Ա. Յա-
կոբայ, Բ. Պետրոսի, Գ. Յովհաննու, Ա. Յուդայի,
Պողոսի Թուղթք, Ա, առ Հռովմայեցիս, Բ, առ Կո-

ըրնթացիս, Ա, առ Գաղատացիս, Ա, առ Նփեսացիս, Ա, առ Փիլիպեցիս, Ա, առ Կողոսացիս, Բ, առ Թեսաղոնիկեցիս, Ա, առ Ներայեցիս, Բ, առ Տիմոթէոս Ա, առ Տիտոս, Ա, առ Փիլիմոն: Այս սահմանք եղան, որ ի միասին ժողովեալք եպիսկոպոսք ՆՆԵ:

Եպիսկո Բ.

Ձկնի յարութեան՝ զերիս աւուրս ոչ ընթեռգ ռւիք նուն կաթուղիկէք, վասն զի ի հայր, և յորդի, և ի սուրբ հոգին են կանոնք. և երկրորդ կանոնք, վասն զի յորդի է, որպէս ոչ թողաւ ոգի նրա ի դժոխս, և ոչ մարմին նորա ետես զապականութիւն, և յոյս եղև ամենայն ծագաց երկրի:

Սահակայ

մեծի

Նւ պաշտօն սաղմոսերգութեան անխափան լիցի ի տունջեան և ի գիշերի, ըստ օրինակի մայրագ ռձգ քաղաքաց, հօրն հովուապետի, զի ամենայն ումեք չէ օրէն և իշխանութիւն յապաղել զայն կարգ պաշտաման, կամ նորաձևութիւնս ինչ առնել, այլ միշտ ի նմին յարամնալ:

Յոյզ.

իմաստ.

Արժան է յերեկորինս՝ և յառաւոտինս, զկնի ամենայն պաշտամանն նուագել զսուրբ աստուածն ժթ ռմբ և ապա զհետ բերել յերեկորինսն զհանգստեան սաղմոս, և յառաւօտինս զարևագալին սաղմոս, իսկ յորժամ պատարագ մատչի ի սկզբան անդ պաշտաման յիշել զսուրբ աստուածն և զսոցուն խորհուրդ յառաջաբանի անդ հաւաստեաւ յայտնեցաք:

ի ռմգ

Պարտ և արժան է զխաչեցարն երիցս անգամ զհետ բերել, ըստ երիցս անգամ կրկնելոյ սրբասացութեան, և մի՛ նուագեցուցանել, և նուազ գտանիլ ի շնորհաց խաչին Քրիստոսի:

իա ռմգ

Արժան է ի գիշերին՝ յորում ժողովին ի պաշտօն, նախ՝ զյառաջաբանիցն ասել զյորեսին սաղմոսն միաբանութեամբ ի թիւ խոնարհ ձայնիւ, առաջին, զերրորդ սաղմոսն, երկրորդ՝ զութսունեօթն. երրորդ՝ զհարիւրերկրորդն, չորրորդ՝ զձեռնեկրորդն, և նոցին զքարոզութիւն և զաղօթսն զհետ բերել, զոր ի նոյն խորհուրդ արարեալ է երանելոյն Յովհաննու Մանդակունոյ Հայոց կաթուղիկոսի. քարոզութիւն Զարթուցեալքս, աղօթք՝ Զքէն գոհանամբ. և զհանգիստ նորին՝ Նայեա տէր սղորմութեամբ:

իբ ռմբ

Արժան է զառաւօտինսն՝ ամենեցուն՝ նմանն միմեանց զնոյն և ըստ նմին կարգի կատարել. զի այսպէս վայելէ քրիստոսասիրացն, որ նմին լեզուոյ և աղգի են՝ միաբանութեամբ փառաւորել զաստուած:

և յօրինել զվարս ուղիղս, զի գրեալ է զսրբոց առաքելոցն, թէ էր նոցա սիրտ և անձն մի. և եթէ՛ էին ամենեքեան միաբան յաղօթաւ Արդ՝ զկնի հարցին և ողորմեային և տէրերկնիցին, և զփառք ի բարձունսն պաշտել. ապա ըսա իւրաքանչիւր առուր զկցորդսն, զոր առեալ է սաղմոսացն, երկուշաբաթոյն, Լոյս տո՛ւր տէր աչաց իմոց. երեքշաբաթոյն՝ Ի քէն է տէր աղբիւր կենաց. չորեքշաբթոյն՝ Սա սացի տէր ողորմեա ինձ. հինգշաբաթոյն՝ Սա առքեզ տէր աղաղակեցի, ուրբաթոյն՝ Մտցեն աղօթք իմ առաջի քո տէր. չաբաթոյն՝ Առաքեա տէր զոյս քո Ապա զկնի քարոզութեան և աղօթիցն, գերեքսրբեանն երգել զփառաբանութիւն, հանգերձ սրբոյ աստուածածնին կցորդիւն. Ապա զարեւադային զսաղմոսն ասել, ըստ դասուց վերաձայնութեամբ:

իգ ում

Նոյնպէս և գերեկորինսն հանգոյն միմեանց ըստ այսմ կարգի. և այսու օրինակաւ կատարել, յառաջագոյն պաշտել զխոնարհնց վերաձայնութեամբ ըստ դասուց, զոր երանելոյն՝ Ներսիսի Հայոց կաթողիկոսի յաւելեալ է; որպէս թէ կամելով զսկիզբն ամենայն վերերգակ սաղմոսացն յաղօթելոյ առնել, զի և սաղմոսացս աղօթք Դաւթի են ըստ վերնագրոյն յայտարարութեան. զկնի նորա զապրեցո, մի ըստ միոյէ գերեւին սաղմոսն. զմիմեանց զհետ՝ ըստ դասուց վերաձայնութեան: Իսկ զկնի մեսեդի և ուղիղ եղիցին ասելոյ, քարոզել և աղօթս մատուցանել, յետ այնորիկ գերեքսրբեանն նուագել նորին նմանութեամբ, և վախճան ամենայն պաշտամանն՝ ըզհանգստեանն սաղմոս ասել. ըստ դասուց վերաձայնութեամբ:

իդ ում

Իսկ կիւրակէի առուր առաւօտինքն այսգունի խորհրդով յօրինեալ բերէ զկարդն իւր. Զկնի հարցինն՝ մեծացուցէ ասել, վասն զի հարկաւորապէս պարտի այն՝ որ զյարութիւնն քրիստոսի ճառէ. ընդ նմին և զգերեզմանն յիշել և զսուրբ կոյսն, զի եթէ ոչ էր ծնեալ, ոչ էր հնար՝ և ոչ թաղել և եթէ՛ ոչ էր թաղեալ, ապա և ոչ յառնել: Արդ՝ գերեզմանն յընթեռնոյն զաւետարանն յիշեալ լինի, իսկ զսուրբ կոյսն՝ ի մեծացուցէն ասելոյն յիշեմբ: Զի որպէս ընկալան ի միմեանց զփրկչին յարութիւն ի գերեզմանէ, և գերեզմանն յարգանդէ, ըստ նմին և վկայք պարտին լինել միմեանց վասն յարուցելոյն, և այս է ճշմարիտ մարգեղութեան և մահուան քրիստոսի խոստովանութիւն. այլ սակայն ի ծննդենէն առ յարու-

Թիւն զհետ եկեալ միաւորին, իսկ ի յարութեմէն առ ծնունդն վերջադարձիլ անկարելի. զի չէ և գործեցելոցն ի քրիստոսէ պատմութիւն առնել անհնար է, և յաղագս այսորիկ՝ աւետիքն և ծնունդն, և մըկրտութիւն քրիստոսի ի միասին առեալ տօնախմբին, և սոքա ամենեքեան և որ այն ևս իցեն տնօրինեալք ի քրիստոսէ՝ ի յարութեանն միաւորեալ բովանդակին, և այս յաղագս մեծացուցէ ասելոյն յառաւօտինսն յաւուրն կիւրակէի: Յետ որայ դարձեալ մինչև զաւետարանն ընթերցեալ. որպէս թէ տակաւին եւս ի Թաղման վարկանելով գտէրն, արտաքուստ առ նա ի գերեզմանն աղաղակիցեմք ասելով, Վերի տէր օգնեա մեզ և փրկեա զմեզ, և թէ՛ Լուր աստուած աղօթից իմոց, ունկնդիր բանից բերանոյ իմոյ, և եթէ Թագաւորեսցէ տէր յաւիտեանն». իսկ յետ ընթեռնոյ զաւետարանն՝ իբրեւ թէ զնոյն ինքն գյարուցեալն անդէն և անդ ընդ աւետարանական բանին ի դէմս մեր բերելով, հրամայեմք միմեանց, թէ «Ի գիշերի համբարձէք զձեռս ձեր ի սրբութիւն, և օրնեցէք գտէր: Վասն զի լուեալ աղօթից մերոց՝ յարեալ և օգնեաց մեզ, փրկելով զմեզ ի մահուանէ, և Թագաւորելով մշտնջենաւորաբար ամենայն տիեզերաց: Բայց գիշեր՝ ոչ այնքան զժամանակն, որքան թէ զհրէական զանհաւատութիւնն անուանելով, որ զաղջամղջին խաւարի արդարեւ բերէ օրինակ, ըստ Ստայեայ պանծալի բանին, թէ ի գիշերաց կանխէ հոգի իմ առաւօտել առ քեզ աստուած, այսինքն թէ՛ ի միջոյ ամբարշտաց համարձակիմ բարեպաշտել առ քեզ Աստուած:—Արդ՝ զայսոսիկ այսպէս, և այս օրինակաւ յառաջ վարելով զկարգն, արժանէ զկնի փառք ի բարձանցն՝ զյարութեանն աւել, իսկ զսուրբ աստուածն հանդերձ սրբոյ Աստուածածնին կցորդիւն ի վերջն անցուցանել, որպէս և յայլ աւուրսն ըստ ասացելումն պատճառին: Եւ զկնի ամենեցուն՝ զարևագալին նուագել սաղմոս, զոր եղիցի անուն տեառն, ասել սկսեալ են ի ժամանակացն. Եզրի կաթուղիկոսի:

Ին ւմբ Պարտ է ի գիշերապաշտաման զկանոնացն ըզհետ բերել, զչորս զայս քարոզութիւն: Վասն ի վերուստ: Վասն ի գիշերի՝ Վասն ուղղելոյ: Վասն գտանելոյ. զոր արարեալ է վասն նորին իսկ սրբոյն Սահակայ հայոց. կաթուղիկոսի, և ըստ իւրաքանչիւրոցն՝ զաղօթս զայսոսիկ հանգստիւք իւրեանց: Տէր Աստուած մշտնջենաւոր. հանգիստ.

Շնորհատու բարեաց: Ի գիշերի և ի տունջեան. հանգիստ. Հովիւ քաջ: Անկեայեմք առաջի քո. հանգիստ. Քում ամենագօր: Վերջինս՝ օրհնեալ ես տէր Աստուած մեր, որ և զմեզ, զմեզաւորս արժանի արարեր փառաւորել զքեզ, ընկալ բարերար և մարդասէր տէր՝ զամենեցուն մեր աղօթս, զխնդրուածս, զխոստովանութիւնս, և զգորհացողութիւնս, և շնորհեալ ամենեցուն մեզ՝ զքո առատ ողորմութիւնդ և զգթութիւնդ, մի թողուր տէր զծողովուրդս քո, և մի՛ մատներ իսպառ վասն անուան քո: Մի՛ ըստ մեզս մեր առնէր մեզ, և մի՛ ըստ անօրէնութեան մերում հատուցաներ մեզ. այլ արա առ մեզ զողորմութիւն քո ի հազարս և ի բիւրս, զերծս զմեզ յամենայն որոգայթից սատանայի, և փոխեալ զմեզ յարքայութիւն միածնիդ քո տեառն մերոյ Յիսուսի՝ Քրիստոսի: Հանգիստ. Քեզ յանձն տունեմք զանձինս մեր՝ Աստուած ամենակալ հայր տեառն մերոյ Յիսուսի Քրիստոսի, որ ի բարձունս բնակեալ ես, զխոնարհս տեսանես յերկինս և յերկրի. հայեալ տէր յաղօթս մեր և ի պաղատանս, մի՛ ցրեր զուկոյ տես քո, և մի՛ մերժեր զմեզ ի ժառանգութեն՝ քումմէ, այլ ըստ առատ քում բարեարութեանդ՝ արժանաւորեալ զծառայաս քո անճառելի լուսոյ՝ երկնից արքայութեանդ, Յիսուսիւ Քրիստոսիւ տէրամբ մերով, ընդ որում քեզ Հօր և սուրբ Հոգւոյդ՝ վա՛յելէ փառք, իշխանութիւն և պատիւ. այժմ և միշտ և յաւիտեանս. ամէն:

Սիօնի
Հայոց
կաթ,
իդ ամթ

Աղջիկ խօսեալ առն՝ թէ ապահար իցէ (տեաւատես) մի իշխեսցեն քահանայքն այնպիսոյն պրսակ դնել, կամ զուգել ընդ առն յամուսնութիւն, մինչեւ սրբեսցի յապահարէն, և ապա ամուսնասցի:

Սւ եղիցի ձեզ ամենեցունց, եկեղեցականաց և աշխարհականաց պաշտելի սուրբ գիրք, հին և նոր կտակարանացն, Մովսէսի գիրք. Մենդոց, Նիքց, Ղեւտական, Թիւք, երկրորդ օրէնք, Յեսու Նաւեայ, դատաւորք, և Հռութայն. Թագաւորութեանց Դ, մնացորդաց գրոցն աւուրք Բ. Նգրի Բ. բանք. գիրք Յոբայ. Սաղմոսացն գիրք Ա. Սողոմոնի Գ. գիրք. ԺԲ. մարգարէքն, Նայի, Նրեմիա, Նգեկիէլ, Դանիէլ. և յարաւքուստ պատգամաւորեսցի առ ի ուսուցանել զձեր մանկունս՝ զուսումնաբազումս Սիրաքայ իմաստութիւն:

Ք. Ժող.
Անա.

Ամենայն գիրք աստուածաշունչք՝ են ի խրատ և ի վարդապետութիւն, բայց կանոնեալ և օրէնս-

Թ ում զ ուսոյց գիրք, զօրս պարտ է ընդունել՝ ցուցցուք։
Մնունդ, ելք, դեւտականն, զթիւսն, զերկրորդ օ-
րէնսն, զՅեսու Նաւեայ, զգատաւորսն, զՀռութի-
զչորս թագաւորութիւնս. երկու մնացորդացն, Եզ-
րաս, Դաւթի ձԾ. սաղմոսն. Առակքն Սողոմոնի,
կեկեղեկատեսն, զօրհնութիւն օրհնութեանց, ըզ-
Յորն, զերկոտասան մարգարէսն. Ովսէ, Ամովս,
Միքիէ, Յովէլ, Աբդիու, Յովնան, Նաւում, Ամա-
կում, Սոփոնիա, Անգէաս, Զաքարիաս, Մաղաքիա,
Նաայեայ, Երեմիաս, Եզեկիէլ, Դանիէլ, Կամանգա-
մայն հնոց կտակարանաց տունք են ՔՃԻԹ։ Նոր
կտակարանք. չորս աւետարանիչքն. Մատթէոս,
Մարկոս, Ղուկաս, Յովհաննէս. Գործք առաքելոց,
Կաթողիկէից թուղթք է. Ա. Յակոբայ. Բ. Պետրո-
սի, Գ. Յովհաննու, Ա. Յուդայի. Պողոսի թուղթք
ԺԴ. առաջին առ Հռովմայեցիս, Բ. առ Կորնթա-
ցիս, Գ. առ Նոսին, Դ. առ Գաղատացիսն, Ե. առ
Եփեսացիս, Զ. առ Փիլիպպեցիս, Է. առ Կոդոսա-
ցիս, Ը. առ Թեսաղոնիկեցիս, Թ. առ Նոսին. Ժ.
առ Եբրայեցիս. ԺԱ. առ Տիմոթէոս, ԺԲ. առ Նոյն.
ԺԳ. առ Տիտոս, ԺԴ. առ Փիլիմոն, Այս սահմանք
եղան ի Ժողովոյն Անտիոքայ, միանգամայն նորոյ
կտակարանաց, Ա. ՓՇՂ. Ա. Եւ միահամուռ հին և
նոր կտակարանաց, Թ. Ի. Չի։

Է.

ՅԱՂԱԳՍ ԽՈՐՀՐԴՈՅ ՄԿՐՏՈՒԹԵԱՆ

Առաք.

Ժգ Ժգ

Կարգեցին առաքեալք և եղին հաստատու-
թեամբ՝ եթէ խօսեցաւ Աստուած ընդ Աբրահամու-
ն, և ասէ՝ Թլպատեսցի մանուկ ձեր ութօրեայ, և այն
եղիցի նշանակ ուխտին յաւիտենական՝ ընդ իս և
ընդ ձեզ։ Լինէր նոյն ուխտ և ընդ Մովսիսի՝ հրա-
ման առեալ յարարչէն, մշտեալ զօպայիւ սրսկել
ջուր զԺողովրդեամբն, որ գուշակէր զմկրտութիւն
հեթանոսաց։ Օրինակ էր Մովսէս և Ահարօն զհան-
գերձեալսն լինելոյ, փոփոխումն ստուերագրին,
հրամայէր ջրով լուանալ յարտաքնում սրահին, ա-
պա մերձենալ ի սրբութիւնսն։ Օրինակէր զայս
մկրտութիւն Յեսու Նաւեա անցանելով ընդ յորդա-
նան, և ապա մտանել յերկիր պարգեւաց։—Օրի-
նակէր զայս մկրտութիւն մեծն ի մարգարէս նա-

խանձաւորն Հեղիաս՝ անցանելով ընդ յորդանան՝ կենդանւոյն վերանայր յերկինս: Բերէր և Նդիսէէ զսափորն՝ ի գուշակումն մկրտութեան:—Մեծն ի ծնունդս կանանց կնքահայրն Յովհաննէս, որ արժանի եղեւ մկրտել զանարատ զտէր Յիսուս ի Յորդանան գետ, օրինակ լինէր նորոյ ուխտիս և մանկանց եկեղեցւոյ, և լուանալով զոռոս մեր ի վերնատանն՝ ջրով մկրտութեան, զօրացոյց զմեզ և անմեղացոյց սրբութեամբ աւագանին՝ յօրինակ աշխարհի եթող. զի ի ձեռն քահանայութեան կարգի, մանուկութօրեայ մկրտեալ՝ եղիցի քրիստոսագգեստ, և վկայք որ ոչ ունին զմկրտութիւն ջրոյն՝ արեամբ իւրեանց փրկեսցին:

Աւագ.
ի ձեռն
կղծմ.

Խդ հը

Սպիսկոպոս, կամ երեց, կամ սարկաւադ, ըզթերահաւատից զմկրտութիւնն ընկալեալ կամ զպատարագ, լուծանել հրամայեմք. զի զինչ միաբանութիւն է՝ Բրիտանոսի ընդ Բելիարայ, կամ զինչ մասն հաւատացելոց. ընդ հաւատին:

ձ ճօդ

Սթէ ոք եպիսկոպոս կամ երեց՝ ըստ Աստուծոյ բարաւուոյն ոչ մկրտեսցէ, ի Հայր և յՈրդի և ի սուրբ Հոգին, այլ յերիս հայրս և յերիս Որդիս և յերիս Հոգիս, անկցի ի քահանայութենէն:

ձա ճօե

Սպիսկոպոս կամ երեց, որ ոչ երիս մկրտութիւնս միոյ սրբութեան կատարեսցէ, այլ ի մի մկրտութիւն, որ ի մահն տեառն տուաւ, անկցի ի քահանայութենէն, քանզի ոչ ասաց մեզ տէր ի մահս իմ մկրտեցէք այլ գնացէք աշակերտեցէք զնոսա, և մկրտեցէք յանուն Հօր և Որդւոյ և Հոգւոյն սրբոյ: Իայց որ մկրտելոցն է՝ ուսցի, եթէ Հայր ոչ խաչեցաւ, և ոչ ծնունդ կրեաց մարդոյ, և ոչ Հոգին սուրբ մարդ եղեւ և ոչ չարչարանս կրեաց, քանզի ոչ մարմնացաւ, բայց փրկեաց զաշխարհս ի վերահասեալ բարկութենէ՝ միածին որդին. վասն զի մարմնացաւ իւրով մարդասիրութեամբն՝ ի կուսէն մարմին ստեղծեալ. քանզի իմաստութիւն չինեաց իւր տուն՝ որպէս արարիչ, քանզի խաչի համբերեաց, և ապրեցոյց զաշխարհս յանակնկալ բարկութենէն:—Արդ՝ մկրտիմք յանուն Հօր՝ ոչ որպէս մարդ եղելոյ, կամ չարչարելոյ: Սե յանուն Որդւոյ՝ որպէս կրեցելոյ զծնունդն, որպէս համբերելոյ խաչի, որպէս մեռելոյ և յարուցելոյ: Սե յանուն Հոգւոյն սրբոյ՝ համագոյական Հօր և Որդւոյ, իսկ որք ոչ յայս մկրտեն, որպէս ոչ գիտելով զխորհուրդ, բա-

ընկաշտութեան, անկցին ի քահանայութենէն:

Նիկ. Բ. Վասն երեխային կամ եղբւ մեծ ամենայն
Ժդ ճկ ժողովոյն, զերիս ամս ուսցին զկարգ և զօրէնս,
և մի եւս ամ ընդ ապաշխարողս՝ աղօթից զգու-
շասցին. մարդասիրութիւն ցուցցեն առ այնպիսիսն
և խոնարհութիւն, զի զմանութիւն բերելով օգուտ
քեզ գործեսցես. և ապա լուսացի և վերստին ծնցի
աւազանաւն, և հաւատարեսցի օրինացն. զի որ ա-
րացէ և ուսուցէ, նա մեծ կոչեսցի յաբըայու-
թեան երկնից:

Նիկ. Բ. Պարտ է զհաւատացեալսն զերեւամ մի ուսու-
Ժդ ճճ ցանել, և այսպէս աղօթակից լինել և մկրտել:

լէ մգ Պարտ և արժան է զյղիսն մկրտել:

Ժե միա Ոչ է պարտ երդմնեցուցանել զերեխայսն,
բայց միայն զկարգեալսն յեպիսկոպոսաց:

ճ մկզ Ոչ է պարտ յետ երկուց շարաթուց քառաս-
նորդացն, ընդունել զոք ի մկրտութիւն:

ճա մկէ Պարտ և արժան է՝ որք մկրտին՝ զհաւատն ա-
սել ի միծի հինգշարաթիւն:

ճգ մկթ Պարտ է՝ որք ի հիւանդութեան մկրտեցան,
զհաւատն ասել, յորժամ ողջացին:

ճդ մհ Պարտ է զկնի մկրտութեան օծանել զլուսաւո-
րեայսն օծմամբ սրբով, անուանելով օծումն պար-
գևի Հոգւոյն սրբոյ:

Ժթ մխզ Պարտ է՝ որք ի հերձուածողացն դառնան, ա-
պողինոսք, և պոնտացիք, մկրտել՝ թէպէտն եպիս-
կոպոսք իցեն:

Նիոյ Վասն յղի կանանց զի արժան է մկրտել յոր-
Կեսար. Ժամ եւ կամիցին, զի ոչինչ յայսպիսի իրս հաւատա-

զ յիզ րեալ է ծնողն ընդ ծննդեանն. այլ արժան է ամե-
նայն իրօք զյօժարութիւն ցուցանել, առ ի խոստո-
վանութիւն ընդունելութեան մկրտութեան:

Ժէ յլէ Վասն որք ի նեղութիւն անկանիցին, կամ
ի խիստ հիւանդութիւն, և կամ ըմբռնեսցին ի բըռ-
նաւորաց, և վասն նեղութեան մկրտեսցի, և կամ
յառաջ էր քրիստոնեայ անուն, և գործքն վատթարք,
և ապա վասն նեղութեան ի հաւատս կացցէ՝ զայն-
պիսին ընդունի եկեղեցի, այլ ոչ կատարելապէս.
զի աւամայութեամբ են հաւատքն, զայնպիսոյն ասէ
զիր, միթէ հող խոստովան առնիցի առ քեզ:

Լաւոդ. Զէ արժան յետ երկուց շաբաթուց աղուհացիցն՝
խբ նլա ի մկրտութիւն զոր ընդունել առանց ուսուցանելոյ,
խդ նլբ Արժան է ոյք մկրտին, նախ հաւատն ուսանիլ,
 եւ յաւագ շաբաթու հինգշաբաթի օրն, համար տալ
 եպիսկոպոսաց կամ երիցանց:

խդ նլդ Արժան է ոյք ի հիւանդութեան ընկալան զմկր-
 տութիւն, յորժամ յառնիցեն, ուսանիլ, զի գիտա-
 ցին՝ թէ՛ որոյ շնորհաց և պատուոյ արժանի եղեն:

խե նլդ Արժան է՝ որք մկրտին, յետ մկրտութեանն օծա-
 նիլ օծմամբ երկնաւորաւ, զի արժանաւորք լիցին
 արքայութեանն:

Աթան. Հարց—Եթէ մանուկ երեխայ կատարեալ լիցի,
Ա շլԸ և դիպեցի, յորժամ պատարագն մատուցանիցէ, եւ
 անգիտանալով հաղորդեցի, զինչ պարտ է առնել
 վասն նորա:

Պատաս.—Մկրտել պարտ է՝ որպէս կոչեցեալ
 յԱստուծոյ:

Բ շլԹ Հարց—Եթէ դիւահար ոք՝ երեխայ իցէ, և կա-
 միցի նա՝ և կամ որք նորա իցեն զի առցէ նա զսուրբ
 մկրտութիւն, պարտ է առնուլ թէ՛ ոչ՝ այլ թէ՛ մերձ
 ի մահ իցէ դիւահարն:

Պատաս.—Եթէ ոչ սրբեցի ի պիղծ այսոյն, ոչ
 կարէ առնուլ զսուրբ մկրտութիւնն, բայց եթէ մերձ
 ի մահ՝ մկրտեցի:

Դ շլտ Հարց—Եթէ ոք երեխայ՝ հիւանդացի և ի մտաց
 թափեցի, և ոչ կարէ զհաւատն խոստովանել, և ա-
 դաչեցեն ընտանիք նորա, զի առցէ զսուրբ մկր-
 տութիւն, այլ զի աղաչանքն ևս երկար լինիցին՝
 մինչև յաւուրս եօթն, արժան է առնուլ թէ՛ ոչ:

Պատաս.—Արժան է առնուլ, թէ ի պիղծ այսոյն
 ոչ փորձեցի:

Զ շլգ Հարց—Թէ կին երեխայ՝ ետ զանուն իւր լինել
 երեխայ և յաւուր մկրտութեան եղև նմա լինել ըստ
 սովորութեան կանանց. թէ պարտ է ի նմին աւուր
 մկրտիլ թէ՛ ոչ:

Պատաս.—Յապաղեցուցանել և արգելուլ պարտ
 է՝ մինչև սրբեցի:

ԺԹ շծգ Հարց—Թէ ուրուք ի հեթանոսութեան ժամա-
 նակի՝ առեալ իցէ զկին եղբօր իւրոյ, և արդ՝ կա-
 միցի լինել քրիստոնեայ, և ասէ տուք ինձ կնիք,

պարտ է առնուլ յանձն՝ թէ մեկնել ի կնոջէն և ապա կնքել:

Պատաս.—Ձէ արժան մեկնել, զի ոչ էր ընդ օրինօք յորժամ զկինն արար:

Իբ շԺԹ Հարց.—Նթէ ուրուք յերեսայուլթեան կին արարեալ իցէ օրինօք, և որդիք լեալ իցեն յամուսնոյ իւրոյ, և թողու զայն որդւոյքն, և այլ կին առնէ, և կնիք խնդրէ, զի՞նչ արասցուք:

Պատաս.—Ընդունիմք զնոսա, այլ նախ ապաշխարել:

ԼԵ շհդ Հարց.—Թէ երեսայ ոք յերեսայից՝ բազմամեղ իցէ, և եդեալ ի մտի իւրում ի ժամանակս երկտասարդութեան իւրոյ՝ յանդգնութեամբ և ստահակութեամբ կեալ և յանկարծ անկցի յախտ մահու, և ի ժամ մահուն՝ ի հարկէ յանձն առնու զմկրտութիւն, տամք համարձակ, եթէ խղճիմք, վասն առաջին արհամարհութեանցն և հանապազ արհամարհելոյ զբան պատուիրանին:

Պատաս.—Պարտ է տալ:

ԼԸ շհդ Հարց.—Իսկ եթէ ի ժամ մահուան կասկեցի բերան երեսային, և ոչ կարասցէ զմեղս իւր խոստովանել, և ոչ զհաւատն դաւանել ի սուրբ երրորդութիւնն, այլ միայն ակնարկէ, թէ տո՛ւր ինձ կնիք, պարտ է տալ՝ թէ ոչ:

Պատաս.—Պարտ է տալ:

ԼԹ շհե Հարց.—Նթէ ընդ ծնանիլ կնոջ՝ և մանուկն իսկ ի նմին առուր դժուարածին լինիցի, պարտ է տալ նմին կնիք թէ ոչ, և կամ եթէ առողջ է՝ յետ քանի՞ առուր պարտ է տալ զկնիքն:

Պատաս.—Յորժամ կամի, մանաւանդ փութալ պարտ է:

ԽԹ շձե Հարց.—Թէ ոք յանդուգն ի մարդկանէ, երթեալ քահանայ անուանէ զինքն յօտար երկրի, և զբազումս մկրտէ վասն չահի օգտութեան, և կարասի ստանալոյ, և յետոյ ի վերայ հասանեն, թէ չէր քահանայ յորմէ մկրտեցանն, զի՞նչ պարտ է առնել զմկրտեալսն ի սուտ քահանայէ:

Պատաս.—Վերստին մկրտել արժան է:

ՃԲ օԺԸ Հարց.—Թէ մոգի ուրուք կին կամի քրիստոնեայ լինել, եւ այրն չարգելու, բայց ի կենդանութեան իւրում չարձակէ ի բաց, պարտ է նմա կնիք

տալ թէ ոչ: Նոյնպէս և այր՝ եթէ կամի քրիստոնեայ լինել, և կինն ի նմին մոգութեան կայ հաստատուն՝ պարտ է տալ կնիք ի նմին ամուսնութեան՝ թէ ոչ:

Պատաս.— Պարտ է տալ կարի քաջ:

ձե որա

Հարց.— Թէ որ յերեխայից դիպի ի բանակի ի պատերազմունս, և և ասէ ցերեցն, թէ տո՛ւր ինձ կնիք, և և երեցն կազմած ինչ կնքոյ ընդ ինքեան ոչ ունիցի, և և երեխայն ստիպէ, թէ պատերազմ առաջի կայ և մահ, և զերկուս և զերիս աւուրս գայ աղաղակէ, և վկայութիւն դնէ առաջի Աստուծոյ, թէ մի տալք ինձ երեխայ մեռանիլ, թէ ոչ՝ դուք էք պարտական հոգւոյն իմոյ, և երեցն զկազմածէ ուրեք երթալ չիցէ ձեռնհաս վասն պատերազմողաց՝ որ շուրջ զնոքօք են, զինչ պարտ է առնել:

Պատաս.— Մկրտել արժան է ի ջուր և ի Հոգին սուրբ, թէպէտ ոչ ունի զիւզն օծութեան, որպէս կենարարն մեր Քրիստոս ասաց ցաշակերտսն, թէ՛ Յովհաննէս մկրտեաց ի ջուր, բայց դուք մըկրտիցէք ի Հոգին սուրբ. և որպէս ուսաք ի սուրբ գրոց, թէ որպէս ի սուրբ պատարագն ի վերայ սուրբ սեղանոյն՝ Հոգին սուրբ իջանէ, նոյնպէս և ի սուրբ աւագանն մկրտութեան Հոգին սուրբ իջանէ:

Բարս. Բ.

ճլը պժդ

Այր կամ կին յանհաւատից թէ դան ի մըկրտութիւն, արժան է ընդունել քահանային, չայց փորձել և քննել պարտ է թէ ունին ամուսին՝ ոչ է արժան քակել, այլ սրբութեամբ տանել յաւատանն՝ և զկարգն կատարել, և ապա օրհնել զջուրն և ինքեանց լուանալ տալ, և զինչս ծախել, և օր ըստ օրէ յորդորել ի հաւատս:

միւր ջդ

Երեխայ՝ որ ի մօրէ մեռեալ հանդիպի, անպարտ են ընտանիք նորա, վկայութեամբ երկուց կամ երեց:

միթ ջե

Երեխայ՝ եթէ յարգանդէ մօր իւրոյ կենդանի գայ, և հոգաբարձուքն անփոյթ առնեն, և ոչ զգուշացուցանեն քահանային, և երեխայն մեռանի, արիւն նորա ի վերայ ամենեցուն, որ ի տեսին հանդիպին, մանաւանդ ի վերայ հոգաբարձին և ծնողացն, է. ամ ընդ ունկնդիրս կացցէ, Գ. ամ ընդ ձեռամբ հաղորդեսցի օրինաց: Բայց վարդապետն հայելով ի վարձիխան է կարճել զկարգն:

